


DIASPORA E SHQIPËRISË NË SHIFRA



2025



DIASPORA E SHQIPËRISË NË SHIFRA



2025



DIASPORA E SHQIPËRISË NË SHIFRA

Drejtor botimi/Director of the Publication: Dr. Elsa Dhuli

Punoi/Prepared by: INSTAT

© Copyright INSTAT 2025

Ndalohet riprodhimi i këtij botimi apo transmetimi i tij në cilëndo formë, pa autorizimin paraprak me shkrim të mbajtësit të së drejtës së autorit.

No part of this publication can be reproduced or transmitted in any form or by any means without the prior written permission of the copyright holder.

INSTITUTI I STATISTIKAVE
Rr. Vllazën Huta,
Ndërtesa 35, Hyrja 1
Tiranë, Kodi Postar 1017
Tel: + 2233356 / 2222411 4 355
e-mail: info@instat.gov.al
www.instat.gov.al

PËRMBAJTJA

PARATHËNIE	6
HYRJJE	7
1. VLERËSIMI I DIASPORËS SHQIPTARE	9
1.1 Vlerësimi i diasporës – metoda e tërthortë	10
2. SHQIPTARËT NË BOTË - STOKU I EMIGRACIONIT SHQIPTAR.....	15
2.1 Diaspora shqiptare – historik	16
2.2 Profili i shqiptarëve në Evropë – të dhënat nga Censet ndërkombëtare	21
2.2.1 Karakteristikat demografike	23
2.2.2 Fitimi i shtetësisë dhe lejet e qëndrimit.....	25
2.3 Diaspora shqiptare në SHBA.....	29
2.4 Anketa e Migracionit në Shqipëri, 2024.....	31
3. ANEKS METODOLOGJIK	35
3.1 Metodologjia e përlllogaritjes së diasporës së re shqiptare.....	36
3.2 Kufizimet në metodologjinë e përlllogaritjes së diasporës shqiptare.....	36
3.3 Përkufizime.....	37
REFERENCA	39

PARATHËNIE

Ky publikim paraqet një panoramë të përditësuar mbi diasporën shqiptare, si dhe rolin e saj në zhvillimin ekonomik e shoqëror të vendit dhe ndikimin e saj në proceset e integritit. Ai synon të shërbejë si një instrument informues për politikëbërësit, studiuesit, organizatat e diasporës dhe publikun e gjerë.

Diaspora shqiptare përbën një nga komunitetet më të rëndësishme jashtë territorit të Shqipërisë, në raport me madhësinë e popullsisë rezidente. Ky publikim analizon përmasat, shpërndarjen, profilin demografik dhe social-ekonomik të diasporës, kontributet financiare dhe jo-financiare, si dhe kuadrin institucional të bashkëpunimit me shtetin shqiptar.

HYRJJE

Migrimi i shqiptarëve jashtë vendit nuk është një dukuri e re. Ai është i dokumentuar të paktën që në shekujt e pesëmbëdhjetë dhe të gjashtëmbëdhjetë, me largimin e një mase të madhe banorësh nga trevat shqiptare. Akoma vazhdon të mbetet veprues dhe të japë impaktet e tij domethënëse, si në aspektet demografike, po ashtu edhe në ato sociale dhe ekonomike të vendit. Periudhat kohore të formimit të diasporës shqiptare ndryshojnë.

Publikimi synon të ofrojë një analizë të plotë të diasporës shqiptare, me theks në shpërndarjen gjeografike, zhvillimet demografike dhe socio-ekonomike, si dhe kuadrin institucional dhe politikave për diasporën.

E ashtuquajtura *“diaspora e vjetër”* përbëhet nga emigrantë të cilët kanë emigruar para vitit 1944, dhe konsiderohen diasporë shumë e hershme, si dhe nga ata që u larguan gjatë viteve 1945-1990 dhe që përkon kryesisht me shqiptarët në ish-Jugosllavi.

Ndërsa *“diaspora e re”* përbëhet nga emigrantët që kanë emigruar pas viteve 1990 dhe përkon me valën e madhe të migrimit pas rënies së komunizmit.

Diaspora e vjetër ka qenë e vendosur kryesisht në SHBA dhe disa vende të Evropës Perëndimore, ndërsa diaspora e re është vendosur në Greqi, Itali, Mbretërinë e Bashkuar, Gjermani, Zvicër, Francë etj. dhe më pak në vende të diasporës së vjetër.

Ende nuk përlogaritet një shifër e saktë e diasporës shqiptare për shkak të kompleksitetit që e karakterizon këtë fenomen.

Në vitin 2025, sipas vlerësimeve të tërthorta, numri i diasporës së re llogaritet të jetë rreth 2.25 milionë shtetas jashtë vendit ose rreth 49 përqind e shtetasve shqiptarë gjithsej.

Ky publikim kryhet nga INSTAT në mbështetje të Strategjisë së Diasporës. Qëllimi i tij është vlerësimi i numrit të diasporës shqiptare dhe profilit të saj mbi karakteristikat bazë socio-demografike. Për të arritur në statistika edhe më gjithëpërfshirëse, INSTAT do të vazhdojë bashkëpunimin me institucionet partnere të vendeve pritëse të diasporës shqiptare.

1

VLERËSIMI I DIASPORËS SHQIPTARE



1. VLERËSIMI I DIASPORËS SHQIPTARE

Migracioni vazhdon të jetë një nga fenomenet më të rëndësishme demografike dhe socio-ekonomike të kohëve moderne, duke ndikuar si në vendet e origjinës, ashtu edhe në ato pritëse. Informacioni i kufizuar, shpesh i pa unifikuar ndërkombëtarisht, e vështirëson matjen e saktë të migracionit dhe rrit sfidat për harmonizimin e këtyre statistikave. Shumë pak dihet për numrin vjetor aktual të migrantëve në të gjithë botën dhe informacioni i pakët i disponueshëm është kontradiktor. Sot, vendet bazohen në definicionet e tyre se çfarë nënkuptohet me “migracion” dhe për rrjedhojë, krijohet paqëndrueshmëri për të dhënat ndërkombëtare dhe njëkohësisht është sfida për të kuptuar procesin me anë të të cilit personat lëvizin përtej kufijve.

Shpesh është theksuar se informacioni statistikor mbi migracionin është i pamjaftueshëm dhe jo i plotë sa i përket disponueshmërisë, harmonizimit të koncepteve, apo nivelit të saktësisë. Është gjerësisht e njohur se të dhënat e migrimit nuk janë të lehta për t’u mbledhur dhe se sistemet e mbledhjes së të dhënave, si dhe përkufizimet e përdorura për të përcaktuar ngjarjet e migrimit ndryshojnë në mënyrë të konsiderueshme. Në Shqipëri, sfida kryesore është matja e flukseve të migracionit, për shkak të mungesës së një burimi administrativ të konsoliduar që të përditësohet në mënyrë të vazhdueshme. Të vetmet të dhëna në dispozicion në lidhje me migrimin janë siguruar nga Censi i Popullsisë dhe Banesave në Shqipëri, i cili lejon një vlerësim të stokut të migracionit midis dy periudhave të numërimit. Nga ana tjetër, matja e migracionit duke përdorur burim censet ka kufizime për shkak jo vetëm të periodicitetit (çdo 10 vjet), por edhe në përmbajtje të pyetjeve të limituara të cilat nuk mund të numërojnë të gjitha ngjarjet e migrimit në familje të tëra që lëvizin, migrimin sezonal/ të përkohshëm dhe qarkullues.

Megjithatë INSTAT për të adresuar këto kufizime përdor metoda të tërthorta për matjen e këtij fenomeni kompleks, në mënyrë që të arrijë në një vlerësim të përafërt të numrit të përgjithshëm, të stokut të migracionit. Pavarësisht se këto metoda nuk mund të na japin një pamje të plotë të profilit të shqiptarëve që jetojnë jashtë vendit, të paktën na sigurojnë një paraqitje të strukturës së tyre moshore dhe gjinore.

1.1. Vlerësimi i diasporës – metoda e tërthortë

Një nga metodat e tërthorta që INSTAT përdor për një derivim të numrit të përgjithshëm të shqiptarëve që jetojnë jashtë vendit, si dhe strukturën e tyre

moshore dhe gjinore, është krahasimi i dy popullsive, popullsisë banuese dhe regjistrit civil. Në përlogaritje, si bazë u mor popullsia më 1 janar 2025 e regjistrit civil, e cila përmban të gjithë shtetasit shqiptarë, pavarësisht vendbanimit të tyre (edhe ata që jetojnë jashtë vendit), sipas moshës dhe gjinisë.

Kësaj popullsie ju zbrit popullsia e përlogaritur nga INSTAT (vlerësimi vjetor), e cila i referohet popullsisë banuese në vend (personat që plotësojnë kushtin e vendbanuesit të zakonshëm, që jetojnë në vend për 12 muaj ose më shumë). Në këtë mënyrë u përftua një vlerësim i shtetasve shqiptarë që nuk jetojnë në vend, në 1 janar 2025.

Diaspora e vlerësuar nga INSTAT përlogaritet 2.256.346 individë jashtë territorit të Shqipërisë, ku stoku prej 1.177.529 individë janë meshkuj dhe 1.078.817 janë femra.


Përlogaritjet e diasporës tregojnë se ajo përfshin një popullsi relativisht të re. Grupmosha (0-14 vjeç) është rreth 18 %; pjesën kryesore e zë grupmosha (15-64 vjeç), me rreth 77 % dhe ajo mbi 65 vjeç, afërsisht 5 %. Kjo tregon një diasporë me profil të ri, ekonomikisht aktive dhe me potencial të lartë kontributi në tregjet e punës të vendeve pritëse.

TAB. 1: DIASPORA 1 JANAR 2025

Grupmosha	Meshkuj	Femra	Gjithsej
0-4	61.247	57.369	118.616
5-9	68.687	63.817	132.504
10-14	77.752	70.631	148.383
15-19	81.882	71.194	153.076
20-24	95.194	76.817	172.011
25-29	112.948	101.002	213.950
30-34	120.828	113.712	234.540
35-39	113.093	110.978	224.071
40-44	107.275	100.172	207.447
45-49	95.881	86.292	182.173
50-54	81.859	70.148	152.007
55-59	63.061	53.520	116.581
60-64	45.154	40.491	85.645
65-69	26.715	26.182	52.897
70-74	12.060	14.125	26.185
75-79	5.370	8.227	13.597
80-84	2.795	7.115	9.910
85+	5.728	7.025	12.753
Gjithsej	1.177.529	1.078.817	2.256.346

Për vitin 2025 prezantohen dy piramida popullsie:


FIG. 1: PIRAMIDA E POPULLSISË VENDBANUESE DHE POPULLSIA E SHTETASVE SHQIPTAR SIPAS DPGJC



Pjesa e plotë – Popullsia vendbanuese

Pjesa e hijëzuar – Popullsia sipas DPGJC

FIG. 2: PIRAMIDA E DIASPORËS



2

SHQIPTARËT NË BOTË - STOKU I EMIGRACIONIT SHQIPTAR



2. SHQIPTARËT NË BOTË - STOKU I EMIGRACIONIT SHQIPTAR

2.1 Diaspora shqiptare – historik¹

HISTORIKU I DIASPORËS SHQIPTARE ËSHTË I LASHTË DHE I LARMISHËM.

Pozita gjeografike e trojeve shqiptare, në kryqëzim të rrugëve dhe ndikimeve të ndryshme, ka bërë që shqiptarët të lëvizin e të vendosen në vende të ndryshme përgjatë shekujve. Diaspora shqiptare paraqitet heterogjene si në aspektin kohor të mërgimit, ashtu edhe në atë rajonal, sipas zonave prej nga kanë ardhur. Duke e parë nga këndi kohor, bashkësitë më të hershme shqiptare janë ajo e arbëreshëve në Itali dhe e arvanitëve në Greqi. Arbëreshët kanë arritur të ruajnë identitetin, gjuhën dhe traditat e tyre për shekuj me radhë, ndërsa arvanitët, fatkeqësisht, ndodhen sot në fazën përfundimtare të asimilimit, megjithëse ende ekziston shpresa se kjo bashkësi mund të njohë një farë ringjalljeje kulturore. Në radhën e këtyre bashkësive të vjetra hyn edhe komuniteti shqiptar i Egjiptit, i cili ka luajtur një rol të rëndësishëm historik. Pas tyre vijnë komunitetet shqiptare në Turqi, SHBA, Belgjikë, Australi dhe vende të tjera, ndërsa më të vonshmit janë mërgimtarët e valëve të fundit, kryesisht të katër dekadave të gjysmës së dytë të shekullit XX. Shumica e këtyre mërgimtarëve janë vendosur, ose përpiqen të vendosen, në shtete të ndryshme të Evropës Perëndimore, si edhe në SHBA e Kanada. Në këtë kuadër duhet përmendur edhe shpërngulja e rreth 500 mijë qytetarëve të Shqipërisë në fillim të viteve '90, të cilët pas hapjes së vendit ndaj botës u drejtuan kryesisht drejt Greqisë, Italisë dhe vendeve të tjera evropiane.

DIASPORA NË ITALI

Arbëreshët u vendosën në Itali në shekujt XIV-XV dhe emigruan kryesisht për shkak të zhvillimeve politike e luftarake në Shqipëri. Komuniteti arbëresh ka ruajtur origjinën, gjuhën, kulturën e traditat shqiptare. Arbëreshët kanë dhënë e po japin një kontribut të shquar në historinë, kulturën dhe jetën shoqërore të Italisë. Nga arbëreshët kanë dalë mjaft personalitete të shoqërisë e kulturës italiane dhe shqiptare. Arbëreshët përbëjnë një nga pakicat etno-gjuhësore më të mëdha në Itali. Prej vitit 1999, gjuha “arbreshe” njihet nga qeveria italiane si gjuha e “pakicës etnike dhe gjuhësore.” Në fillim të viteve 1990 shqiptarët emigruan masivisht drejt Italisë, duke formuar për nga numri komunitetin e dytë më të madh të emigrantëve në këtë vend.

¹ <https://online.fliphtml5.com/dmiin/kgyt/-p=1>

DIASPORA NË GREQI

Migrimi i arbëreshëve në Greqi filloi në fund të shekullit të 13-të dhe mbaroi rreth vitit 1600 nga një rajon e quajtur Arbëria, e cila ishte pjesë e Despotetit të Epirit dhe i cili sot është rajoni qendror i Shqipërisë moderne. Arbëreshët së pari migruan në Thesali rreth vitit 1325 përmes rrugëve të udhëtimit që kishin shkuar në juglindje duke kaluar pellgun e sipërme të lumit Bistricë dhe me anë të Korçës, Kosturit dhe Grebenesë mbërritën në fushë të Thesalisë. Një tjetër pikëpamje mban se kjo migrimi ka ndodhur nga zbritëse jug-perëndim përmes rajonit të Janinës dhe Atolo-Akarnania dhe shkuan prej andej në Thesali.

Gjithashtu në Greqi ndodhet komuniteti më i madh i emigrantëve shqiptarë, të cilët u vendosën në këtë vend pas vitit 1990. Emigrantët shqiptarë janë një vlerë e shtuar për ekonominë dhe shoqërinë në Greqi. Ata janë integruar me sukses në tregun e punës dhe në shoqërinë vendase.

DIASPORA NË BULLGARI

Diaspora në Bullgari nisi të formohej prej shekullit XV, nga migrimi i popullatës kryesisht nga Korça, Elbasani, Çermenika, Golloborda, Dibra etj. Këto flukse ndodhën për shkak të përpjekjeve prej Perandorisë Osmane, por edhe duke migruar si punonjës stinorë, zejtarë, tregtarë etj. Më vonë një pjesë e tyre u vendosën në Ukrainë, ndërsa një grup tjetër në Trakinë jugore. Një valë tjetër migrimi ndodhi gjatë shekujve XIX-XX, të cilët u vendosën në Sofje me marrëveshjen dypalëshe për mbrojtjen e pakicave.

DIASPORA NË TURQI

Në Turqi ndodhet diaspora më e madhe shqiptare. Shqiptarët në Turqi kanë emigruar në të gjitha kohërat, duke filluar prej shekullit XVI, kur viset shqiptare ishin pjesë e Perandorisë Osmane. Shumica e tyre u shpërngulën në periudhën e Rilindjes dhe u vendosën në Stamboll dhe në disa qytete të Turqisë Aziatike, si Izmir, Bursë dhe Ankara. Migrimi masiv nga Kosova dhe viset e tjera shqiptare drejt Turqisë ndodhi në katër periudha. Vala e parë ndodhi pas Traktatit të Lozanës në vitin 1923, vala e dytë pas marrëveshjes Ataturk-Stojadinovic në vitin 1938, ndërsa vala e tretë pas marrëveshjes së fshehtë Tito-Kyprili të vitit 1953. Një valë e katërt ndodhi në fillim të viteve 1970.

DIASPORA NË RUMANI

Diaspora në Rumani është ndër më të shquarat për nga kontributi për pavarësinë e Shqipërisë. Ajo ishte një ndër vatrat më të fuqishme të Rilindjes Kombëtare. Migrimi ndodhi përgjatë shekujve XVII-XX.

DIASPORA NË KROACI

Diaspora në Kroaci është diaspora e fundit që ruajti emërtimin arbëresh ose arbanë. Diasporat pas vitit 1731 u quajtën diaspora shqiptare. Shqiptarët që migruan në fillim të viteve 1750 u vendosën në Hrtkovc dhe Nikinc.

DIASPORA NË EGJIPT

Në Egjipt që nga fillimi i shekullit XVIII, me vendosjen e Mehmet Ali pashës si vali i Egjiptit, numri i shqiptarëve atje ishte rritur vazhdimisht. Dinastia shqiptare e Mehmet Ali pashës kishte sunduar vendin e faraonëve për 150 vjet, nga viti 1805 deri më 1952. Meqenëse shumica e tyre ishin ushtarë, ata ishin shpërndarë edhe nëpër vise të tjera, si në Palestinë, Siri, Liban, Libi, Hixhaz, Jemen e Sudan. Këtë më së miri e vërtetojnë pasardhësit e shumë familjeve me origjinë shqiptare që jetojnë sot atje me mbiemrin Arnauti ose El-Albani.

DIASPORA NË UKRAINË

Shqiptarët filluan të emigrojnë drejt Ukrainës në fillim të shekullit XVIII, por valët më të mëdha migruese ndodhën në fillim të shekullit XIX, për tu shpëtuar trazirave e rreziqeve të luftërave ruse-turke.

DIASPORA NË LIBAN

Familjet e para prej viseve shqiptare mbërritën në Liban në shekullin e XVIII, në kohën e Mehmet Ali Pashës, valiut shqiptar të Egjiptit. Rrënjët e Diasporës shqiptare të Libanit janë edhe familjet e emigruara në kohën e Vaso Pashës, Guvernatorit shqiptar të Libanit.

DIASPORA NË SLLOVENI DHE BOSNJE-HERCEGOVINË

Valët migratore të shqiptarëve drejt Sllovenisë dhe Bosnje-Hercegovinës kanë ndodhur kryesisht prej viseve të Shqipërisë Veriore, Kosovës, shqiptarëve të Maqedonisë dhe Malit të Zi. Numri i shqiptarëve u shtua gjatë dekadave të para të shekullit XX. Pas luftës së Dytë Botërore shqiptarët e Kosovës u vendosën në Slloveni dhe Bosnje-Hercegovinë në kontekstin e lëvizjes brenda ish Jugosllavisë, kryesisht për punë, studime ose arsye politike.

DIASPORA NË ARGJENTINË

Diaspora shqiptare në Argjentinë është formuar prej diasporës arbëreshe. Fluksi më i madh drejt Argjentinës ndodhi në fillim të shekullit XX dhe shumica e tyre u vendosën në kryeqytetin Buenos Aires.

DIASPORA NË SIRI

Shqiptarët migruan në Siri në dekadat e fundit të Perandorisë Osmane, gjatë fundit të shekullit XIX dhe fillimit të shekullit XX, në kohën kur po rriteshin përpjekjet për pavarësinë e Shqipërisë. Një valë tjetër ndodhi gjatë viteve 1912-1913, kur shqiptarët migruan në këtë vend për t'i shpëtuar represionit serb. Shqiptarët e Sirisë janë vendosur kryesisht në Damask dhe në disa qytete të tjera të mëdha të këtij vendi.

DIASPORA NË RUSI

Shqiptarët filluan të migrojnë në Rusi rreth fundit të shekullit XIX, në mënyrë të tërthortë, nëpërmjet viseve të tjera të ish Perandorisë Osmane. Këto valë migrimesh ndodhën për shkak të nevojave të mëdha për fuqi punëtore në sektorët e industrisë, hekurudhave etj. Gjatë viteve 1920-1930 në ish Bashkimin Sovjetik u vendosën mjaft emigrant politikë shqiptarë.

DIASPORA NË AUSTRALI

Valët e para migratore të shqiptarëve drejt Australisë filluan në fund të shekullit XIX dhe u zgjeruan në dekadat e para të shekullit XX, pas shpalljes së pavarësisë së Shqipërisë.

DIASPORA NË ZVICËR

Diaspora shqiptare në Zvicër përbëhet nga dy grupime: shqiptarët nga Kosova dhe viset e tjera shqiptare të ish Jugosllavisë, që emigruan në Gjermani, pas vitit 1971, me heqjen e vizave dalëse nga ky vend, dhe shqiptarët nga Shqipëria që migruan pas vitit 1990. Grupi i parë i diasporës shqiptare u shndërruan gradualisht nga emigrant ekonomikë në një komunitet emigrantësh politikë dhe mbështetën fuqishëm luftën për pavarësinë e Kosovës. Shqiptarët përbëjnë aktualisht popullatën e katërt më të madhe në Zvicër.

DIASPORA NË GJERMANI

Shqiptarët nga Kosova dhe viset e tjera shqiptare emigruan në Gjermani pas vitit 1971, me heqjen e vizave dalëse nga ish Jugosllavia. Pas vitit 1990 drejt Gjermanisë migruan dhjetëra mijëra shqiptarë nga Shqipëria.

DIASPORA NË MBRETËRINË E BASHKUAR

Prej fillimit të shekullit XX në Mbretërinë e Bashkuar kishin migruar disa intelektualë shqiptarë. Pas vendosjes së regjimit komunist në Shqipëri, në Londër ishin vendosur një grup i vogël ish krerësh të organizatave antikomuniste, por pa ndikim në jetën e vendit pritës dhe të Shqipërisë. Diaspora shqiptare në Mbretërinë e Bashkuar filloi të formohet pas vitit 1990, prej shqiptarëve emigrant ekonomikë nga Shqipëria si edhe prej disa grupimeve azil- kërkesish nga Kosova dhe viset e tjera shqiptare në rajon. Prezenca e shqiptarëve u rrit pas krizës së Kosovës në vitin 1999, ku dhjetëra mijëra shqiptarë, kryesisht nga Kosova dhe Shqipëria, u vendosën në këtë vend.

DIASPORA NË KANADA

Shqiptarët filluan të migrojnë në Kanada pas vitit 1990, duke përfituar kryesisht nga mundësitë që ofron programi i migrimit në këtë vend të specialistëve të kualifikuar.

DIASPORA NË BELGJIKË

Diaspora shqiptare në Belgjikë u formua kryesisht pas mbarimit të Luftës së Dytë Botërore dhe vendosjes në Shqipëri të regjimit komunist. Një pjesë e përfaqësuesve të organizatave antikomuniste, shumica me prirje monarkiste, u vendosën në këtë vend për tu organizuar e siguruar mbështetje për përmbysjen e regjimit komunist. Pas vitit 1971, me heqjen e vizave dalëse nga ish Jugosllavia, shqiptarët nga Kosova dhe republikat e tjera të ish Jugosllavisë, u vendosën në këtë vend si emigrant ekonomikë. Pas vitit 1990 në Belgjikë emigruan edhe mjaft shqiptarë nga Shqipëria.

DIASPORA NË VENDET SKANDINAVE

Diaspora shqiptare në vendet skandinave përbëhet nga tre grupime kryesore: shqiptarët e Kosovës, Malit të Zi dhe Maqedonisë së Veriut, të cilët migruan në këto vende gjatë viteve 1971-1990 si emigrant ekonomikë.

DIASPORA NË AUSTRI

Austria ka qenë një destinacion i preferuar i shqiptarëve në të gjitha kohërat. Megjithatë, komuniteti më i madh i emigrantëve ekonomikë shqiptarë u vendos në këtë vend pas vitit 1990.

DIASPORA NË FRANCË

Shqiptarët filluan të migrojnë në Francë pas vitit 1990. Ndërkohë, pas vendosjes së regjimit komunist në Shqipëri, kishin migruar në Francë një grup i vogël ish krerësh të organizatave antikomuniste.

2.2 Profili i shqiptarëve në Evropë – të dhënat nga Censet ndërkombëtare

Të dhënat e censeve të fundit të popullsisë dhe banesave, raundi 2021 i vendeve të Evropës tregojnë se stoku prej rreth 1.1 milionë individë të lindur në Shqipëri kanë qenë vendbanues të zakonshëm në 31 vende të Evropës, nga ana tjetër, statistikat që lidhen me shtetësinë tregojnë se stoku prej rreth 939 mijë shtetas shqiptarë jetojnë në 31 vende të Evropës. Vendet që numërojnë një numër të lartë shtetasish shqiptar, si dhe rezidentë të lindur në Shqipëri janë: Itali, Greqi, Gjermani, Francë, si dhe Mbretëria e Bashkuar.

TAB. 2: SHQIPTARË VENDBANUES NË EVROPË

EVROPË	Census Hub 2021		Popullsia më 1 janar 2024 - vlerësime Eurostat	
	Lindur në Shqipëri	Shtetas shqiptarë	Lindur në Shqipëri	Shtetas shqiptarë
Belgjikë	13.071	7.141	15.585	8.496
Bullgari	446	276	762	520
Çeki	615	430	800	630
Danimarkë	643	379	:	:
Gjermani	89.870	80.130	:	109.108
Estoni	65	58	69	65
Irlandë	1.937	1.127	:	1.423
Greqi	425.081	374.927	:	:
Spanjë	4.575	3.945	:	:
Francë	31.074	28.551	:	:
Kroaci	399	313	:	:
Itali	507.812	419.987	557.064	416.229
Qipro	496	187	:	:
Letoni	16	10	22	15
Lituani	17	12	65	52
Luksemburg	1.447	875	1.827	1.106
Hungari	539	429	737	615
Maltë	2.839	2.713	:	:
Holandë	2.920	1.578	3.892	2.019
Austri	5.047	3.177	6.066	3.905
Poloni	395	290	:	:
Portugali	95	74	:	113
Rumani	463	365	302	909
Slloveni	197	156	268	259
Sllovaki	79	121	140	174
Finlandë	1.010	828	1.934	1.720

(Vazhdon)

EVROPE	Census Hub 2021		Popullsia më 1 janar 2024 - vlerësime Eurostat	
	Lindur në Shqipëri	Shtetas shqiptarë	Lindur në Shqipëri	Shtetas shqiptarë
Suedi	8.686	6.629	10.453	7.033
Islandë	251	167	374	249
Lihtenshtein	c	c	:	:
Norvegji	2.785	1.094	3.720	1.324
Zvicër	6.437	2.922	:	:
*Mbretëria e Bashkuar	68.672	:	:	:
*Kanada		17.270	:	:

*Burimi: Eurostat, [Census Hub](#)

*c- konfidenciale

*Mbretëria e Bashkuar [Office for National Statistics](#)


*Kanada: [Statistics Canada](#)

*Kanada: 41.620 persona raportuan Shqipëri si etninë e tyre: [Census Profile, 2021 Census of Population](#)

2.2.1 KARAKTERISTIKAT DEMOGRAFIKE

Sipas të dhënave të fundit të raundeve të Censeve 2021, emigrimi në dekadën e fundit shënonte: 56 % meshkuj në Gjermani, 53 % në Greqi dhe 51 % meshkuj në Itali. Sipas të dhënave të raundit të censeve 2021, shtetas shqiptarë që jetojnë në Evropë figurojnë të jenë të një moshe të re. Rreth 41 % e tyre i përkasin grupmoshës 30-49 vjeç. Shifrat tregojnë se femrat kanë një strukturë moshore me dominancë të lehtë në grup moshat nën 15 vjeç dhe 15-29 vjeç, sesa struktura moshore e meshkujve po në këto grup moshë. Meshkujt kanë një strukturë moshore me dominancë në përqindje më të lartë në grup moshën 50-64 vjeç, sesa struktura moshore e femrave po në këtë grup moshë.

FIG. 3: STRUKTURA MOSHORE E SHTETASVE SHQIPTARË SIPAS CENSUS HUB 2021

*Burimi: [Census Hub 2021](#)

2.2.2 FITIMI I SHTETËSISË DHE LEJET E QËNDRIMIT

Shtetësia është një karakteristikë e ndryshueshme, njerëzit mund të fitojnë shtetësinë të huaj të vendit të qëndrimit të tyre. Së bashku me një numër të panjohur të shtetasve me origjinë shqiptare (të diasporës shqiptare) të cilët nuk janë të regjistruar pranë Gjendjes Civile në Shqipëri, popullsia me etni shqiptare vendbanues jashtë Shqipërisë do të ishte një numër më i lartë në vlerësim. Nga ana tjetër, popullsia me shtetësi shqiptare jashtë vendit përfshin një brez të dytë të fëmijëve të lindur jashtë Shqipërisë, të cilët nuk duhet të konsiderohen emigrantë.

TAB. 3: SHQIPTARË QË KANË FITUAR SHTETËSINË E VENDEVE TË EVROPËS, 2021-2023

EVROPË	2021	2022	2023
Belgjikë	365	477	588
Bullgari	35	10	5
Çeki	5	14	3
Danimarkë	7	14	0
Gjermani	480	465	485
Estoni	0	0	0
Irlandë	57	77	95
Greqi	7.736	9.631	9.943
Spanjë	92	131	101
Francë	465	474	391
Kroaci	4	2	0
Itali	22.493	38.129	31.728
Qipro	4	3	13
Letoni	2	0	0
Lituani	0	0	0
Luksemburg	27	39	46
Hungari	7	5	2
Maltë	8	3	0
Holandë	65	97	149
Austri	96	66	56
Poloni	11	8	9
Portugali	3	9	3
Rumani	5	8	8


(Vazhdon)

EVROPË	2021	2022	2023
Slloveni	1	1	0
Sllovaki	2	1	1
Finlandë	15	26	51
Suedi	384	581	717
Islandë	4	4	12
Lihtenshtein	0	0	0
Norvegji	89	91	75
Zvicër	47	57	58

*Burimi: [Eurostat](#)


Gjatë viteve 2021-2023, Italia dhe Greqia janë shtetet ku shqiptarët kanë fituar më së shumti shtetësinë. Gjithashtu Gjermania, Francë, Suedia dhe Belgjika janë ndër shtetet e tjera ku ka pasur rritje të fitimit të shtetësisë të këtyre vendeve.

HARTA 1: LEJET E QËNDRIMIT TË SHTETASVE SHQIPTARE NË EVROPË, 2021-2024



Gjatë vitit 2024, sipas Eurostat, Italia, Greqia dhe Gjermania janë vendet me përqëndrimin më të madh të shqiptarëve me leje qëndrimi për arsye të ndryshme, ku 47,6 % e lejeve të qëndrimit në 27 vendet e BE-së, janë për arsye të bashkimit familjar, ndjekur nga arsyeja për punësim me 29,1 %, arsye të tjera 22,4 % dhe për studim rreth 1 %.

FIG. 4: ARSYET E LEJEVE TË QËNDRIMIT NË BE GJATË VITEVE 2021-2024



*Burimi: [Eurostat](#)

2.3 Diaspora shqiptare në SHBA

Shqiptarët e parë që emigruan në SHBA ishin arbëreshët dhe pas tyre emigrantët ekonomikë që migruan në periudhën midis Luftës së Parë dhe Luftës së Dytë Botërore. Duke vazhduar më vonë me emigrantët politikë që emigruan pas luftës së Dytë Botërore dhe vendosjes në Shqipëri të regjimit komunist. Në Shtetet e Bashkuara të Amerikës këto komunitete shqiptare janë të konsiderueshme. Ato mund t'i ndajmë në dy grupe të mëdha, ku në **gjeneratën e parë** janë të gjithë emigrantët shqiptarë vendi i lindjes së të cilëve është Shqipëria. Në këtë grup nuk bëjnë pjesë Shqiptarët e lindur në Kosovë, Maqedoninë e Veriut apo në vende të tjera.

Gjenerata e dytë janë banorë të SHBA-së të cilët nuk kanë lindur në Shqipëri, por kanë prejardhje shqiptare. Në këtë grup mund të përfshihen dhe shqiptarë nga vendet e tjera në Ballkan apo në botë për sa kohë janë vetë deklaruar në Anketën e Komunitetit Amerikan (ACS) 2023.

TAB. 4: SHQIPTARË NË SHBA SIPAS GJINISË

	Meshkuj	Femra	Gjithsej
Gjenerata e parë	46.690	47.926	94.616
Gjenerata e dytë	58.020	53.884	111.904
Gjithsej	104.710	101.810	206.520

*Burimi: [Anketa e Komunitetit Amerikan, 2023](#)

Të dhënat e Anketës së Komunitetit Amerikan për vitin 2023 tregojnë se, shqiptarë të gjeneratës së parë në vitin 2023 janë 94.616, ndërsa gjenerata e dytë është 111.904 pra, 206.520 shqiptarë jetojnë në SHBA.

Gjeneratën e parë nëse e shohim sipas vitit të emigrimit në SHBA vëmë re se, rreth 95 % e tyre kanë emigruar pas viteve 1990. Në gjeneratën e parë femrat përfaqësojnë 50,7 % të shqiptarëve të emigruar në SHBA ndërkohë, në gjeneratën e dytë kjo përqindje është 48,2 % (duke sjellë në vëmendje përfshirjen e lindjeve në SHBA).

Gjenerata e dytë ka një moshë mesatare relativisht më të re 31,8 vjeç, krahasuar me gjeneratën e parë e cila ka një moshën mesatare prej 44 vjeç, kjo për shkak se në gjeneratën e dytë, një pjesë të rëndësishme e zënë fëmijët e gjeneratës së parë.

Shqiptarët në SHBA, janë të përqëndruar në: rreth 54.600 shqiptarë në New York, duke përfaqësuar në këtë mënyrë komunitetin më të madh, pasuar nga 26.270 të cilët jetojnë në Michigan, 17.223 në Massachusetts, 16.747 në Florida dhe 14.704 në Illinois.

Nëse do të analizojmë karakteristikat arsimore, 21,8 % e shqiptarëve kanë diplomë gjimnazi, 20,0 % kanë një diplomë Bachelor, ndërsa vetëm 8,4 % e shqiptarëve kanë një diplomë master ose diplomë tjetër profesionale përtej diplomës Bachelor dhe 0,7 % kanë Doktoraturë.

TAB. 5: SHQIPTARË NË SHBA SIPAS NIVELIT ARSIMOR

	Gjenerata e parë	Gjenerata e dytë	Gjithsej
Nuk ka përfunduar asnjë nivel	2.215	6.899	9.114
Gjimnaz	26.316	18.630	44.946
Kolegj	6.328	5.539	11.867
Bachelor	25.364	15.846	41.210
Master	9.110	4.940	14.050
Diplomë tjetër profesionale përtej diplomës Bachelor	2.485	910	3.395
Doktoraturë	917	467	1.384

*Burimi: [Anketa e Komunitetit Amerikan, 2023](#)

Përsa i përket karakteristikave të tyre ekonomike dhe specifikisht statusit në punësim, të dy gjeneratat kanë norma shumë të larta të punësimit. Shqiptarët e papunë në SHBA në 2023 zënë vetëm 3,3 %, kurse 22,6 % nuk bëjnë pjesë në forcën e punës dhe 20,2 % janë më pak se 16 vjeç.

TAB. 6: SHQIPTARË NË SHBA SIPAS PUNËSIMIT

	Gjenerata e parë	Gjenerata e dytë	Gjithsej
N/A (më pak se 16 vjeç)	3.980	37.651	41.631
Të punësuar	62.085	46.162	108.247
Të papunë	3.861	2.999	6.860
Forcat e Armatosura	141	94	235
Nuk janë në forcën e punës	22.857	23.759	46.616

*Burimi: [Anketa e Komunitetit Amerikan, 2023](#)

2.4 Anketa e Migracionit në Shqipëri, 2024²

REZULTATET NGA ANKETA E MIGRACIONIT PRANË NJËSIVE EKONOMIKE FAMILJARE NË SHQIPËRI 2024

Në këtë seksion janë paraqitur gjetjet kryesore të anketës së Migracionit pranë NjEF në Shqipëri në vitin 2024, e cila u hartua dhe u zbatua si një bashkëpunim midis Bankës Botërore dhe Institutit të Statistikave të Shqipërisë (INSTAT). Anketa e Migracionit pranë NjEF në Shqipëri 2024 adreson boshllëqe të të dhënave që historikisht kanë penguar zhvillimin efektiv të politikave të migracionit në Shqipëri. Anketa ofron të dhënat e nevojshme për të kryer një analizë gjithëpërfshirëse të modeleve të migrimit në vend. Kampioni i anketës mbuloi 3,804 NjEF migrante dhe 1,198 NjEF jo-migrante në të gjitha rajonet e Shqipërisë (bazuar në kornizën e freskuar të popullsisë të numëruar në Cens 2023).

Anketa është përfaqësuese në nivel kombëtar dhe ofron njohuri mbi ciklin e plotë të jetës së migrimit të përjetuar nga migrantët shqiptarë, nga përgatitja para nisjes, përmes përvojës jashtë vendit, deri te riintegrimi pas kthimit.

Në përbërje të saj anketa ka shtatë module me pyetje në lidhje me: informacionin demografik të të gjithë anëtarëve të NjEF, informacionin mbi statusin e migrimit të secilit anëtar të NjEF, punësimin për anëtarët e NjEF së moshës 15-64 vjeç, përvojën e mëparshme të punës për të rriturit, jashtë vendit ose të kthyerit, informacion mbi asetet/të mirat e NjEF, informacion të detajuar mbi përvojën e migrimit të të kthyerve dhe intervista pasuese me migrantët jashtë vendit në lidhje me përvojën e tyre migratore. Gjithashtu, anketa i kushton rëndësi pyetjeve që lidhen me historikun e punësimit të migrantëve para migrimit, gjatë episodit të fundit të migrimit dhe pas kthimit në Shqipëri.

Qëllimi i anketës, të analizojë: profilet socio-demografike të migrantëve, hendeqet ndërmjet pritshmërive dhe rezultatet pas migrimit, situatën ekonomike, si dhe mundësitë për ri-integrim dhe sipërmarrje të migrantëve të kthyer.

Migrimi shqiptar karakterizohet kryesisht nga meshkuj kryesisht në moshë të re, me kualifikime të mesme që kërkojnë mundësi ekonomike jashtë vendit.


Profilet arsimore zbulojnë një përzgjedhje pozitive drejt migrimit, me më shumë se dy të tretat e migrantëve që kanë përfunduar arsimin e mesëm të lartë, krahasuar me 51 përqind të jo-migrantëve. Përbërja arsimore ndryshon ndjeshëm sipas vendit të destinacionit, duke reflektuar rrugë të ndryshme migrimi dhe modele

² [world-bank_albania-migration-survey-report-2025_eng_interactive.pdf](https://www.world-bank.org/albania-migration-survey-report-2025_eng_interactive.pdf)

vetëpërzgjedhjeje. Shtetet e Bashkuara presin migrantët më të arsimuar (pothuajse një e treta me arsim të lartë), të ndjekura nga Gjermania dhe Mbretëria e Bashkuar. Modelet e migrimit ndryshojnë ndjeshëm në të gjitha qarqet e Shqipërisë, me rajonet bregdetare dhe qendrore që përjetojnë shkallë më të larta migrimi për shkak të afërsisë së tyre me destinacionet kryesore si Italia dhe Greqia.

Profili i migrantëve shqiptarë është gjithashtu i larmishëm për sa i përket nxitësve të migrimit dhe rrugëve ligjore, ku migrantët meshkuj që ndodhen aktualisht jashtë vendit kanë më shumë gjasa të kenë migruar për arsye punësimi dhe përmes kanaleve informale krahasuar me të kthyerit. Migrantët largohen për një sërë arsyesh, por kryesisht në kërkim të mundësive më të mira ekonomike (rreth 70 %). Motive të tjera të rëndësishme përfshijnë arsyet familjare (16 %) dhe arsimin (6 %).


FIG. 5: FAKTORËT NXITËS TË MIGRIMIT



Burimi: Grumbullimi i informacionit INSTAT, përpunimi dhe llogaritja Banka Botërore
[Anketa e Migracionit pranë Njësie Familjare në Shqipëri 2024](#)

Migrimi gjeneron përfitime për migrantët, familjet e tyre dhe ekonominë në përgjithësi përmes kanaleve të ndryshme, duke përfshirë rritjen e flukseve financiare të remitancave dhe akumulimin e kapitalit njerëzor. Remitancat mbeten një burim jetësor mbështetjeje për shumë familje, duke përfaqësuar një pjesë të konsiderueshme të të ardhurave totale, madje edhe midis disa familjeve jo-migrante, duke theksuar shtrirjen e gjerë të rrjeteve të migracionit. Pothuajse gjysma e migrantëve transferojnë një pjesë të të ardhurave të tyre në Shqipëri përmes remitancave. Vendimi për të dërguar remitanca është i lidhur pozitivisht me suksesin e emigrantëve në gjenerimin e të ardhurave dhe kursimeve jashtë vendit. Për më tepër, remitancat shpërndahen kryesisht për ushqim dhe nevoja të tjera. Migrantët kanë tendencë të dërgojnë remitanca përmes kanaleve informale, kryesisht nëpërmjet miqve ose kur vizitojnë vetë Shqipërinë, ndërsa kanalet formale, siç janë bankat dhe operatorët e transferimit të parave përdoren si metodë kryesore në vetëm 30 përqind të rasteve.


FIG. 6: MËNYRA E DËRGESËS SË PARAVE



Burimi: Grumbullimi i informacionit INSTAT, përpunimi dhe llogaritja Banka Botërore
[Anketa e Migracionit pranë Njësisë Familjare në Shqipëri 2024](#)

Migrantët shqiptarë arrijnë përfitime të konsiderueshme në të ardhura gjatë përvojës së tyre të migrimit. Mesatarisht, migrantët fitojnë 2.5 herë më shumë sesa fitonin para migrimit dhe gati 2.5 herë më shumë sesa bashkëmoshatarët e tyre që qëndrojnë në Shqipëri.

FIG. 7: PAGA MESATARE NË USD, 2024



Burimi: Grumbullimi i informacionit INSTAT, përpunimi dhe llogaritja Banka Botërore
[Anketa e Migracionit pranë Njësive Familjare në Shqipëri 2024](#)

3

ANEKS METODOLOGIJK



3. ANEKS METODOLOGJIK

3.1 Metodologjia e përlogaritjes së diasporës së re shqiptare

Duke pasur parasysh se shqiptarët vendbanues nuk regjistrohen sistematikisht kur largohen nga vendi dhe duke qenë se ka pak stimuj që ata të regjistrojnë largimin te autoritetet vendore, nuk ka matje të besueshme të numrit të individëve që janë larguar nga Shqipëria. Sidoqoftë, INSTAT përdor metoda të tërthorta për kryerjen e një vlerësimi mbi numrin e migrantëve i cili bazohet në të dhënat e dy censeve të njëpasnjëshëm, edhe pse ka vështirësi ose kufizime.

Censi i popullsisë dhe banesave në Shqipëri jep një vlerësim të stokut të migracionit brenda periudhës midis censeve, i cili zakonisht kryhet çdo 10 vjet dhe përmban vetëm një numër të limituar pyetjesh, të cilat nuk mund të numërojnë të gjitha ngjarjet e migrimit si: familje të tëra që lëvizin, migrimin sezonal /të përkohshëm dhe qarkullues.

Metoda e tërthortë që INSTAT përdori për një derivim të numrit të përgjithshëm të shqiptarëve që jetojnë jashtë vendit si dhe strukturën e tyre moshore dhe gjinore, ishte krahasimi i dy popullsive, asaj të popullsisë banuese dhe regjistrit civil. Si bazë u mor popullsia më 1 janar 2025 e regjistrit civil, e cila përmban të gjithë shtetasit shqiptar, pavarësisht vendbanimit të tyre (edhe ata që jetojnë jashtë vendit), sipas moshës dhe gjinisë. Kësaj popullsie ju zbrit popullsia e përlogaritur nga INSTAT (vlerësim vjetor), e cila i referohet popullsisë banuese në vend (personat që plotësojnë kushtin e vendbanuesit të zakonshëm të cilët jetojnë në vend prej 12 muajsh ose më shumë).

Në këtë mënyrë u përlogarit numri i diasporës së re shqiptare në 1 janar 2025.

3.2 Kufizimet në metodologjinë e përlogaritjes së diasporës shqiptare

Sipas metodës së tërthortë të prezantuar më sipër u mundësua një vlerësim i pjesshëm i diasporës shqiptare. Kjo metodë ka mundësuar thuajse një mbulim të plotë të diasporës së re, por nuk ka mbuluar diasporën e hershme, thënë ndryshe, paraardhësit e shqiptarëve të larguar nga Shqipëria, para viteve 1990. Kjo përlogaritje merr parasysh të gjithë shtetasit shqiptar që figurojnë të regjistruar në regjistrin civil, pavarësisht se jetojnë jashtë vendit.

Kufizimet që kjo metodë ka në përlllogaritjen e diasporës shqiptare janë si në vazhdim:

- Nëpërmjet Regjistrit të Drejtorisë së Përgjithshme të Gjendjes Civile nuk janë të përfshirë shqiptarët të cilët për arsye të fitimit të një shtetësie të një vendi tjetër kanë hequr dorë nga shtetësia shqiptare. Ka disa vende të cilat nuk e lejojnë dy shtetësinë dhe për këtë arsye shtetasit shqiptarë janë të detyruar të heqin dorë nga shtetësia shqiptare, në këtë mënyrë këta individë ç’regjistrohen nga regjistri i shtetasve shqiptarë.
- Lindjet të cilat ndodhin jashtë vendit dhe janë të regjistruara në regjistrin e gjendjes civile janë të përfshira në përlllogaritjet e kryera nga INSTAT, ndërkohë lindjet të cilat nuk regjistrohen në zyrat e gjendjes civile nuk janë pjesë e përlllogaritjeve.
- Komunitetet e hershme shqiptare në botë, të cilët kanë lindur jashtë kufijve të Shqipërisë, mbajnë lidhje gjuhësore, kulturore e të traditës në vazhdimësi dhe që kanë dëshirë të ruajnë lidhjet me Shqipërinë, nuk janë pjesë e përlllogaritjeve të INSTAT.

3.3 Përkufizime

Diaspora përfshin:

- a) komunitetet e hershme shqiptare në botë;
- b) çdo person, i cili është lindur në Shqipëri dhe jeton jashtë kufijve të saj;
- c) çdo person që gëzon origjinë shqiptare, i cili ka lindur jashtë kufijve të Shqipërisë, mban lidhje gjuhësore, kulturore e të traditës në vazhdimësi dhe që ka dëshirë të ruajë lidhjet me Shqipërinë.

Diaspora e vjetër përbëhet nga emigrantë që kanë emigruar para vitit 1944, të cilët konsiderohen diasporë shumë e hershme si dhe nga ata që u larguan gjatë viteve 1945-1990 dhe që përkon kryesisht me shqiptarët në ish-Jugosllavi.

Diaspora e re përbëhet nga emigrantët që kanë emigruar pas viteve 1990 e cila përkon me valën e madhe të migrimit pas rënies së komunizmit.

Shtetësia shqiptare është një lidhje e qëndrueshme juridike, që shprehet në të drejtat dhe detyrat e ndërsjella të personit fizik dhe të shtetit shqiptar. Shtetësia

shqiptare fitohet, rifitohet, humbet apo lihet në përputhje me dispozitat e ligjit, i cili respekton normat e parimet e njohura të së drejtës ndërkombëtare në fushën e shtetësisë, të pranuar nga Republika e Shqipërisë.

Vendi i lindjes është vendi në të cilin ka ndodhur lindja e një personi.

NjEF: njësi ekonomike familjare i referohet një grupi personash të cilët banojnë së bashku në një banesë dhe që ndajnë një ekonomi pjesërisht ose plotësisht të përbashkët.

NjEF migrante: si NjEF me të paktën një anëtar që jetonte jashtë vendit në kohën e anketës (migrant aktual) ose që kishte jetuar jashtë vendit në të kaluarën dhe ishte kthyer në Shqipëri (migrant i kthyer).

Referenca

- Eurostat Database: Population on 1 January by age group, sex and citizenship
https://ec.europa.eu/eurostat/databrowser/view/migr_pop1ctz__custom_18827229/default/table
- Eurostat Database: Population on 1 January by age group, sex and country of birth
https://ec.europa.eu/eurostat/databrowser/view/migr_pop3ctb__custom_18827473/default/table
- United States Census bureau, ACS 5-Year Estimates-Public Use Microdata Sample (2023):
<https://www.census.gov/programs-surveys/acs/data.html>
- European Statistical System, Census Hub (2021):
<https://ec.europa.eu/CensusHub/selectHyperCube?clearSession=true>
- Eurostat Database: Acquisition of citizenship by age group, sex and former citizenship
https://ec.europa.eu/eurostat/databrowser/view/migr_acq__custom_16024776/default/table?lang=en
- Eurostat Database: All valid permits by reason, length of validity and citizenship on 31 December of each year
https://ec.europa.eu/eurostat/databrowser/view/migr_resvalid__custom_16024908/default/table?lang=en
- <http://online.fliphtml5.com/dmiin/kgyt/#p=1>
- Ljubica Nedelkoska and Nick Khaw (2015) "The Albanian Community in the United States, Statistical Profiling of the Albanian-Americans"
- Nagi, Dennis L. The Albania-American Odyssey. A Pilot Study of the Albanian Community of Boston, Massachusetts, New York: AMS Press, 1988.
- International Migration in Albania Results from the 2024 Albania Household Migration Survey
https://www.instat.gov.al/media/f1uhpx3m/world-bank_albania-migration-survey-report-2025_eng_interactive.pdf

DIASPORA E SHQIPËRISË NË SHIFRA



2025